



CYNLLUN CORFFORAETHOL URDD GOBAITH CYMRU

2016-2019



Cynllun Corfforaethol Urdd Gobaith Cymru 2016 - 2019



Urdd

NOD

Nod Urdd Gobaith Cymru yw sicrhau cyfle, trwy gyfrwng yr iaith Gymraeg, i holl ieuenctid Cymru (rhwng 8 a 25 oed) ddatblygu'n unigolion cyflawn; a'u galluogi i chwarae rhan adeiladol yn y gymdeithas, gan feithrin sgiliau personol a chymdeithasol.

AMCANION

Dod a'r Gymraeg yn fyw i blant a phobl ifanc Cymru a chynyddu defnydd plant a phobl ifanc o'r Gymraeg. Darparu cyfleoedd i blant, pobl ifanc a'u teuluoedd ddefnyddio'r Gymraeg y tu allan i'r ystafell ddosbarth.

BLAENORIAETHAU 2016 I 2019

- Trefnu gweithgareddau a datblygu prosiectau sy'n cynyddu defnydd plant a phobl ifanc o'r Gymraeg.
- Cynyddu gweithgaredd chwaraeon trwy gyfrwng y Gymraeg.
- Sicrhau bod mwy o gyfle i blant a phobl ifanc gymryd rhan yn yr Eisteddfod ac yn y celfyddydau.
- Parhau i ddatblygu Gwersylloedd yr Urdd fel canolfannau o'r safon uchaf, a buddsoddi yn yr adnoddau.
- Gweithio mewn partneriaeth i sicrhau bod y gwaith yn cyfrannu i strategaethau lleol, rhanbarthol a chenedlaethol.

CEFNDIR

Mae Urdd Gobaith Cymru yn gwmni cyfyngedig drwy warant (rhif 263310) ac yn elusen gofrestredig (rhif 524481). Cafodd ei sefydlu yn 1922, ac mae wedi datblygu yn barhaus ers hynny.

Yn rhifyn mis Ionawr 1922 o 'Cymru'r Plant' meddai Syr Ifan ab Owen Edwards, 'Yn awr mewn llawer pentref, a bron ym mhob tref yng Nghymru, mae'r plant yn chwarae yn Saesneg, yn darllen llyfrau Saesneg, ac yn anghofio mai Cymry ydynt.' Apeliodd ar blant Cymru i ymuno a mudiad newydd i gynnig cyfleoedd trwy'r Gymraeg, ac o ganlyniad i hynny, sefydlwyd Urdd Gobaith Cymru.

Dros 90 mlynedd yn ddiweddarach, mae gan Urdd Gobaith Cymru, sef prif fudiad ieuenctid Cymru, dros 54,000 o aelodau sy'n perthyn i dros 900 o ganghennau sy'n cymryd rhan mewn pob math o weithgareddau. Cyflawnir y gwaith gyda chymorth 260 o aelodau o staff a 10,000 o wirfoddolwyr.

Mae'r Cynllun Corfforaethol hwn yn egluro beth yw amcanion yr Urdd a sut mae'n bwriadu gweithredu yn y cyfnod 2016 i 2019. Mae'r ddogfen hon yn ddogfen fyw a fydd yn cael ei diweddarau'n achlysurol.

Cred yr Urdd ei fod yn bwysig cynnal gweithgareddau, digwyddiadau a gwasanaethau i blant a phobl ifanc sydd yn eu hargyhoeddi fod byw bywyd Cymraeg yng Nghymru yn gyffrous ac yn llawn hwyl.

Mae'r Urdd drwy ei waith yn gwella sgiliau ei aelodau, ei wirfoddolwyr a'i staff. Mae'r Urdd hefyd yn gwneud cyfraniad economaidd i Gymru, yn enwedig yng Ngheredigion lle lleolir Gwersyll Llangrannog ac yng Ngwynedd lle lleolir Gwersyll Glan-Ilyn. Mae Gwersylloedd Caerdydd a Phentre Ifan hefyd yn ganolfannau o bwys i'r Urdd.

Yn ei **Strategaeth Addysg Cyfrwng Cymraeg** mae Llywodraeth Cymru yn nodi pwysigrwydd darparu cyfleoedd anffurfiol i ddysgwyr atgyfnerthu eu sgiliau iaith Gymraeg o fewn lleoliadau addysg, a'r angen i gynyddu a hwyluso cyfleoedd pobl ifanc i gymryd rhan mewn gweithgareddau drwy gyfrwng y Gymraeg y tu allan i leoliadau addysg ffurfiol. Mae gwaith yr Urdd yn cyflawni hyn. Byddwn yn awyddus hefyd i drafod sut y gallwn gynorthwyo i gyflawni'r trawsnewidiad sydd wedi ei gynnig yn Adolygiad Donaldson o'r maes addysgol maes o law.

Yn ei ddogfen **Strategaeth y Gymraeg 2012-17 iaith fyw: iaith byw** mae Llywodraeth Cymru yn cynnwys y nod o gynyddu'r ddarpariaeth o weithgareddau Cymraeg ar gyfer plant a phobl ifanc a chynyddu eu hymwybyddiaeth o werth yr iaith. Mae gwaith yr Urdd yn cyflawni hyn. Bydd yr Urdd hefyd yn darparu gwybodaeth er mwyn monitro cynnydd y Strategaeth gan gynnwys y nifer sy'n aelodau o'r Urdd, y nifer sy'n mynychu ein canolfannau preswyl, yn nifer sy'n cymryd rhan mewn Eisteddfodau Cylch a'r nifer sy'n cymryd rhan mewn gweithgareddau chwaraeon.

Mae Llywodraeth Cymru hefyd wedi cyhoeddi **Strategaeth Gwaith Ieuenctid Genedlaethol Cymru 2014-2018**. Mae gwaith yr Urdd, yn enwedig wrth gynnig cyfleoedd anffurfiol i ddefnyddio'r Gymraeg yn cyflawni amcanion y strategaeth honno. Ymgwymerir â'n gwaith ieuenctid yn unol a'r ddogfen **Gwaith Ieuenctid yng Nghymru: Egwyddorion a Dibenion** a gyhoeddwyd gan Grŵp Adolygu Gwaith Ieuenctid yng Nghymru. Mae'r gweithgareddau a gynnig gan yr Urdd yn Addysgiadol, Cyfranogol, Mynegiannol, Cynhwysol ac yn Rymusol.

Mae gwaith yr Urdd yn cyfrannu at gynllun Trechu Tlodi Llywodraeth Cymru mewn sawl ffordd, gan gynnwys rhoi cyfleoedd i ymestyn gorwelion a chynyddu dyheadau trwy brofiadau, gan gynnwys profiadau preswyl, ym maes chwaraeon ac yn y celfyddydau. Rydym hefyd yn cynnig achrediadau a hyfforddiant cymunedol. Rydym yn datblygu prosiectau arloesol, yn arbennig yn y maes Awyr Agored gyda grwpiau o bobl ifanc nad ydynt mewn addysg, cyflogaeth na hyfforddiant. Mae'r Urdd hefyd wedi penderfynu cynnig cyflog byw i'w holl staff sydd dros 21 oed.

Mae Llywodraeth Cymru wedi cyflwyno Deddf Llesiant Cenedlaethau'r Dyfodol (Cymru) 2015, a gweithredir y Ddeddf trwy Fyrddau Gwasnaethau Cyhoeddus. Mae'r ddeddf yn gofyn i bob corff cyhoeddus ddatblygu mewn modd cynaliadwy yn ôl y 7 nod llesiant. Mae'r Urdd yn cyfrannu'n helaeth i'r saith nod. Bydd yr Urdd yn ymateb i Gynllun Llesiant pob Awdurdod Lleol, mae'n ofynnol iddynt fod wedi ei datblygu a'i cyhoeddi erbyn Ebrill 2017.

Mae Llywodraeth Cymru wedi gosod **saith nod craidd** fel cyd-destun ar gyfer pob mater yn ymwneud a phlant a phobl ifanc yng Nghymru. Maent yn crynhoi Confensiwn y Cenhedloedd Unedig ar Hawliau'r Plentyn. Dyma'r saith nod craidd a disgrifiad o sut y mae gwaith yr Urdd yn ymgynraedd atynt:

Dechrau da mewn bywyd	Mae'r Urdd yn galluogi aelodau i gael dechrau da mewn bywyd, drwy fwynhau'r teimlad o berthyn ac o gael hwyl gyda'i gilydd.
Ystod gynhwysfawr o gyfleoedd addysg a dysgu	Mae prosiectau penodol gan yr Urdd, sy'n cynnig nifer fawr o gyfleoedd i feithrin sgiliau ac i ennill cymwysterau penodol.
Yr iechyd gorau posibl a pheidio â chael eu cam-drin, eu herlid na neb yn camfanteisio arnynt	Mae gennym bolisi diogelu plant. Mae gwaith Gwersylloedd yr Urdd a gwaith Adran Chwaraeon yr Urdd a gwaith yr Adran Ieuencid a Chymuned yn cyflwyno gweithgaredd corfforol i blant a phobl ifanc mewn dull cadarnhaol.
Llwybr at weithgareddau chwarae, hamdden, chwaraeon a diwylliant	Mae ein gwersylloedd, ein heisteddfodau, ein hadran chwaraeon, a'n rhwydwaith o ganghennau cymunedol yn cynnig hyn.
Rhywun sy'n gwrando arnynt, cael eu trin â pharch, a chael cydnabyddiaeth i'w hil a'u hunaniaeth ddiwylliannol	Mae gwrando ar blant a phobl ifanc yn bwysig i'r Urdd. Mae'r Urdd yn cynnig cyfleoedd i blant a phobl ifanc gydnabod a dathlu eu Cymraeg a'u Cymreictod, beth bynnag fo'u cefndir.
Aelwyd a chymuned ddiogel	Mae'r Urdd yn gwneud ei orau i sicrhau bod pob gweithgaredd a gynigir yn ddiogel drwy sicrhau bod pawb yn dilyn prosesau iechyd a diogelwch ac asesu risg yr Urdd.
Peidio â bod o dan anfantais oherwydd tlodi.	Mae ein gweithgareddau yn rhoi sgiliau a hyder i blant a phobl ifanc gan eu gwneud yn fwy tebygol o fod yn fwy llwyddiannus fel oedolion.



Urdd Gobaith Cymru: Dod a'r Gymraeg yn fyw! 54,000 o aelodau...10,000 o wirfoddolwyr....900 o ganghennau....



Pwrpas: Sicrhau cyfle trwy gyfrwng yr iaith Gymraeg, i holl ieuenctid Cymru ddatblygu'n unigolion cyflawn, a'u galluogi i chwarae rhan adeiladol yn y gymdeithas, gan feithrin sgiliau personol a chymdeithasol. Ein nod yw cynyddu defnydd plant a phobl ifanc o'r Gymraeg, a rhoi mwy o gyfleoedd i blant a phobl ifanc ddefnyddio'r Gymraeg gyda'i gilydd yn gymdeithasol.

Gwneud gwahaniaeth i Gymru: Newid bywydau plant a phobl ifanc drwy ehangu eu gorwelion, rhoi hyder iddynt, a'u hargyhoeddi o werth y Gymraeg.



Gwersylloedd	Eisteddfod	Ieuenctid a Chymuned	Chwaraeon
Buddsoddi mewn prosiectau cyfalaf ac ehangu'r cyfleoedd i blant a phobl ifanc fynychu <u>Glan-Ilyn:</u> Datblygu ardal y llyn Datblygu Glan-Ilyn Isaf Datblygu Gwasanaeth Ymestyn Allan Awyr Agored Glan-Ilyn Datblygu pwll nofio Glan-Ilyn <u>Llangrannog:</u> Datblygu Tir Cefn Cwrt Datblygu gweithgareddau newydd Asesu ac ailddatblygu adeiladau hŷn Llangrannog <u>Caerdydd:</u>	Parhau i ddatblygu fel Gŵyl Ieuenctid fwyaf Cymru Datblygu cystadlaethau a gweithgareddau newydd Ystyried model ariannol a threfniadol yr ŵyl i'r dyfodol Ystyried cyfuno'n gwylliau chwaraeon a'r eisteddfod.	Datblygu gwasanaeth ieuenctid sy'n hyrwyddo'r Gymraeg ar draws Cymru Datblygu arweinwyr a gwirfoddolwyr y dyfodol Cynyddu'r niferoedd sy'n elwa o weithgareddau craidd yr Urdd a chynyddu'r cyfleoedd cymdeithasol reolaidd i blant a phobl ifanc Cael pob un ysgol i ymwneud â'r Urdd	Hyfforddi 600 o bobl ifanc yn flynyddol i gynorthwyo yn ein 200 o glybiau Datblygu cynlluniau prentisiaeth trwy gyfrwng y Gymraeg Cynnig cyfleoedd i blant a phobl ifanc gystadlu ar lefel cylch, rhanbarth a chenedlaethol mewn campau newydd

Cynnal yr adnoddau			
Datblygu ein gwasanaethau:			
Pobl: Datblygu ein pobl, yn staff, gwirfoddolwyr ac aelodau i sicrhau ein bod yn cynnig profiadau gwych	Adnoddau: Gofalu a datblygu ein hadnoddau a'n safleoedd fel eu bod yn aros fel cyrchfannau o'r safon uchaf.	Cyfathrebu: Datblygu ein dulliau o gyfathrebu, gan ddefnyddio'r dechnoleg ddiweddaraf, gydag aelodau, gwirfoddolwyr a chefnogwyr	Gwerthoedd: Sicrhau bod ein holl egni yn mynd i ddatblygu cynlluniau a gweithgareddau sy'n hyrwyddo'r Gymraeg i blant a phobl ifanc
O ganlyniad i ymwneud a'r Urdd mi fydd person ifanc wedi cynyddu ei botensial o ran			
Gwybodaeth am: • Lenyddiaeth • Diwylliant • Cymru • Daearyddiaeth • Hanes	Sgiliau: • Sgiliau bywyd – rheoli amser; ennill a colli • Sgiliau cyflogadwyedd • Chwaraeon • Celfyddydol • Iaith Gymraeg • Arwain • Bod yn rhan o dîm • Codi hyder • Mynegi barn	Gwerthoedd: • Parch – hunan, eraill, cymuned, iaith, eiddo • Y Gymraeg – diwylliant, hunaniaeth • Dealltwriaeth o amrywiaeth • Ymwybyddiaeth ieithyddol	Ymddygiad • Rhwydweithio • Cyfrannu i gymdeithas • Datblygu sgiliau Gymraeg • Siarad Gymraeg yn hyderus ac ymwybodol • Trosglwyddo'r Gymraeg
Mesur ein llwyddiant:			
Niferoedd : mwy yn cymryd rhan	Effaith: Disgrifio dylanwad ein gwaith ar y Gymraeg drwy gynyddu hyder a chynyddu'r defnydd o'r iaith	Enw da: Gweithredu polisiau cadarn	Ariannol: gyda'r gallu i ail-fuddsoddi mewn gwasanaethau

FFEITHIAU AM YR URDD



EIN NOD DRWY'R CYFAN YW RHOI'R AELOD YNG NGHANOL EIN GWAITH



ADRAN IEUENCTID A CHYMUNED

GWEITHGAREDDAU HAMDDEN, ADDYSGOL A CHELFYDDYDOL

CEFNDIR

Adran Ieuenctid a Chymuned yr Urdd sy'n gyfrifol am ddarparu ystod eang o weithgareddau i aelodau'r Urdd ar draws Cymru. Mae gan yr Urdd dîm o staff rhanbarthol –36 yn llawn amser, a 11 yn rhan amser, sy'n datblygu, cynnal a gweinyddu rhaglen o weithgareddau mewn cydweithrediad a'n gwirfoddolwyr gan gynnwys chwaraeon, ymweliadau â gwersylloedd, eisteddfodau, gwibdeithiau, teithiau cyfnewid a gweithgareddau cymunedol mewn adrannau ac aelwydydd. Maent yn trefnu Eisteddfodau Cylch ac Eisteddfodau Rhanbarth yn cynnwysawns, llwyfan a chelf a chrefft. . Trefnir cystadlaethau chwaraeon ar lefel cylch (mewn rhai rhanbarthau) ac yn rhanbarthol a thaleithiol yn ogystal.

Mae gan yr Urdd rwydwaith eang o ganghennau. Mae gennym dros 900 o ganghennau ysgolion a chymunedol. Mae 33,000 (65%) o aelodau'r Urdd o dan 11 oed, 15,000 (29%) rhwng 12 ac 16, a 3,000 (6%) rhwng 16 a 25.

Mae ein Swyddogion Datblygu, Swyddogion Datblygu Cynorthwyol a Swyddogion Ieuenctid yn ddolen gyswllt werthfawr rhwng y mudiad a gwirfoddolwyr yr Urdd, ysgolion a'n haelodau ar lefel leol a rhanbarthol. Mae'r 900 o ganghennau wedi eu rhannu i 17 o ranbarthau yng Nghymru.

Mae'r gwaith wedi datblygu yn ddiweddar i gynnwys sefydlu Fforymau Ieuenctid Sirol, Bwrdd Syr IfanC, prosiectau achredu, Cynlluniau Llysgenhaddon a chyfleoedd gwirfoddoli. Yn ogystal rydym wedi ennill tendrau i gyflawni gwaith blaengar i ddenu disgyblion ail iaith i ddefnyddio'r Gymraeg, 'Cymraeg bob dydd', a phrosiect i ddenu mwy o ddisgyblion i ddewis dilyn cyrsiau gyda'r Coleg Cymraeg.

Byddwn yn

- Cynyddu'r niferoedd sy'n elwa o weithgareddau craidd yr Urdd ar draws Cymru a chynyddu'r cyfleoedd cymdeithasol Cymraeg rheolaidd i blant a phobl ifanc.
- Datblygu cyfleoedd newydd i bobl ifanc drwy gynlluniau gwirfoddoli, achredu sgiliau a dathlu llwyddiannau plant a phobl ifanc a chyfraniad ein gwirfoddolwyr i gyflawni hynny.
- Datblygu arweinwyr a gwirfoddolwyr i'r dyfodol.
- Parhau i rannu ein Neges Ewyllys Da gyda phobl ifanc mewn gwledydd eraill.
- Ymestyn ein darpariaeth dwys i ddatblygu pobl ifanc, datblygu eu sgiliau cyflogadwyedd cyfrwng Cymraeg

Er mwyn cyflawni'r uchod byddwn yn chwilio am ffynonellau ariannol i'n galluogi i

- Gyflogi Swyddog Ieuenctid penodol yn ychwanegol i'n Swyddogion Datblygu ym mhob rhanbarth i ddatblygu gweithgareddau sy'n ymateb i anghenion pobl ifanc fel gallant fyw eu bywydau trwy gyfrwng y Gymraeg ac elwa o brofiadau cymdeithasol Cymraeg. Mae rhai Swyddogion yn cael eu cyflogi ar hyn o bryd diolch i gymorth ariannol allanol, ond mae'r patrwm yn anghyson ar draws Cymru.

Mae'r cystadlaethau rhanbarthol yn cael eu trefnu gan y Swyddog Datblygu Lleol, a'r cystadlaethau cenedlaethol yn cael eu trefnu gan yr Adran Chwaraeon.

AMCANION

Cynyddu'r nifer o weithgareddau sydd ar gael i blant a phobl ifanc trwy gyfrwng y Gymraeg er mwyn dod a'r Gymraeg yn fyw iddynt.

Datblygu sgiliau a hyder plant a phobl ifanc i ddefnyddio eu Cymraeg a datblygu ein gwaith o gydnabod y sgiliau mae pobl ifanc yn eu meithrin ar weithgareddau'r Urdd.

Cynnig cyd-destunau ychwanegol i blant a phobl ifanc ddefnyddio eu Cymraeg.

CANLYNIAD	TARGED
<u>Plant a phobl ifanc</u> – plant a phobl ifanc yn defnyddio mwy o Gymraeg	Cynnal a Chefnogi 900 o ganghennau'r Urdd
	Galluogi plant a phobl ifanc i gymdeithasu yn wythnosol mewn 200 o leoliadau sy'n lleol iddynt ar hyd Cymru (Adrannau, Uwch-adrannau, aelwydydd, clybiau diddordeb) tu allan i oriau'r ysgol.
	Cynnig 400 o gyfleoedd cymdeithasol megis gweithgaredd gwyliau, penwythnos, min nos neu daith undydd i blant a phobl ifanc yn flynyddol, yn ogystal a chyfleoedd preswyl o fewn Canolfannau Glan Llyn, Llangrannog a Bae Caerdydd.
	Cydweithio gyda phob ysgol Gymraeg yng Nghymru a chynnig darpariaeth yr Urdd i ysgolion ail iaith.

	Cynnal a chefnogi un Fforwm Ieuenctid Cenedlaethol (Bwrdd Syr IfanC) sy'n cyfarfod 3 gwaith y flwyddyn yn ogystal a chefnogi Fforymau Ieuenctid Rhanbarthol er mwyn sicrhau adborth pobl ifanc ar faterion yn ymwneud a'r Urdd a'r Gymraeg. Byddwn hefyd yn sicrhau bod aelodau o Fwrdd Syr IfanC yn mynychu Byrddau Canolog eraill yr Urdd.
	Cynnal 10 gweithgarwch penodol i Uwch-adrannau ac Aelwydydd yn sirol, taleithiol neu yn Genedlaethol er mwyn sicrhau bod pobl ifanc o wahanol rannau o Gymru yn cymdeithasu a'u gilydd.
	Trefnu 200 o ddigwyddiadau Eisteddfodol sy'n bwydo i'r Eisteddfod Genedlaethol gan fesur y nifer sy'n cymryd rhan yn yr Eisteddfodau cylch.
	Trefnu profiadau celfyddydol, gan gynnwys perfformio, trwy gyfrwng y Gymraeg yng nghyfnod yr Eisteddfod syn cynnig cyfle i 400 o blant a phobl ifanc ddatblygu eu sgiliau ar lwyfan.
	Cynyddu ymwybyddiaeth pobl ifanc o'r sin gerddoriaeth Cymraeg trwy trefnu 15 band i chwarae ar lwyfan berfformio ar faes yr Eisteddfod, a threfnu hyd at 6 gweithgarwch ar y cyd a phartneriaid eraill sydd yn hybu'r diwydiant ar lawr gwlad.
	Cynnig 17 Rowndiau Cylch a Rhanbarthol mewn 12 chwaraeon i blant a phobl ifanc er mwyn datblygu cyfleoedd i blant a phobl ifanc o bob ysgol yng Nghymru i ddod i gyswllt a'r Gymraeg ac i ddatblygu sgiliau chwarae mewn tim a ffitrwydd.

<u>Y Gymuned</u> – Mwy o ddefnydd o'r Gymraeg o fewn cymunedau ar draws Cymru	Cynnwys 500 o wirfoddolwyr yng ngwaith yr Urdd er mwyn sicrhau mewnbwn a chefnogaeth y gymuned leol at y Gymraeg a gweithgareddau'r Urdd trwy gynnal 60 pwyllgor cylch yn dymhorol a 15 o Bwyllgorau Rhanbarth o leiaf 2 waith y flwyddyn.
	Parhau gyda'r cyswllt gyda phob awdurdod lleol yng Nghymru er mwyn cynyddu gweithgarwch Cymraeg ar draws Cymru.
Darparu'r profiadau, gweithgareddau a chyfleoedd canlynol er mwyn i bobl ifanc i ennill achrediadau.	Tystiolaeth o'r achrediadau a enillwyd gan bobl ifanc, gan anelu i gynnig 200 y flwyddyn a chynyddu profiadau gwirfoddol i bobl ifanc.
	Tystiolaeth sy'n dangos yr effaith ar ddatblygu sgiliau a chyflogadwyedd.

ADRAN CHWARAEON

CEFNDIR

Mae gwaith yr Urdd yn cyflawni amcanion Llywodraeth Cymru a Chwaraeon Cymru drwy gael pob plentyn i wirioni ar chwaraeon am oes. Mae'r Urdd yn gwneud hyn trwy gyfrwng y Gymraeg

Mae 37 yn gweithio i Adran Chwaraeon yr Urdd ar hyn o bryd. Maent yn sefydlu clybiau chwaraeon lleol sydd yn dysgu sgiliau newydd i blant a phobl ifanc. Maent yn cynnig hyfforddiant i bobl ifanc er mwyn iddynt allu arwain clybiau. Rydym hefyd yn datblygu gweithgareddau gwyliau. Rydym yn gweithio mewn partneriaeth ac mae gennym berthynas agos â Chwaraeon Cymru, Cyrff Llywodraethol Cenedlaethol, a gyda rhai Awdurdodau Lleol. Bwriadwn barhau gyda'n cynllun i brentisiaid sy'n golygu ein bod yn cynnig hyfforddiant i bobl ifanc fel hyfforddwyr chwaraeon.

Yn ogystal, rydym yn cynnig cyfle i 40,000 o blant a phobl ifanc gymryd rhan mewn cystadlaethau chwaraeon rhanbarthol a chenedlaethol gan gynnwys pêl droed cynradd, rygbi cynradd ac uwchradd, nofio cynradd ac uwchradd, traws gwlad, aquathon, pêl-rwyd uwchradd, gymnasteg. Mae gwaith ein swyddogion maes yn cyfrannu at y gwaith yma.

Byddwn hefyd yn datblygu Gemau Cymru, a sefydlwyd yn 2011, fel gŵyl aml-chwaraeon o'r safon uchaf, ac un y bydd pob person ifanc yn awyddus i gymryd rhan ynddi.

AMCANION

Defnyddio pŵer yr iaith Gymraeg i ymwneud a phlant a phobl ifanc a'u cael i gymryd rhan mewn chwaraeon, bob wythnos, am oes.




Cynyddu defnydd plant a phobl ifanc o'r Gymraeg trwy gynnig gweithgareddau chwaraeon.

Gwella iechyd plant a phobl ifanc.

Ein uchelgais yw

- cynyddu'r nifer o Swyddogion Chwaraeon fel gallwn ymestyn ein darpariaeth i ardaloedd newydd o Gymru.
- datblygu gwirfoddolwyr ifanc i gynnal clybiau cymunedol, gan gynyddu'r nifer sy'n derbyn hyfforddiant
- Sefydlu clybiau chwaraeon cymunedol drwy gyfrwng y Gymraeg gan gynyddu'r nifer o glybiau cymunedol

Bydd ein gallu i gyflawni y targedau sydd yn y tabl isod yn dibynnu ar ein gallu i gynyddu'r adnoddau sydd ar gael i ni gyflawni'r gwaith a'n llwyddiant wrth ddenu grantiau allanol i gyflawni'r gwaith.

Blaenoriaethau Strategaeth Gymunedol Chwaraeon Cymru	% disgyblion ym mlynnyddoedd 3-11 sy'n mynychu clybiau chwaraeon tu allan i'r ysgol o leiaf unwaith yr wythnos % o'r boblogaeth sy'n cyfranogi mewn chwaraeon ar gyfartaledd o dair gwaith yr wythnos	% o oedolion (15 oed a throsodd) sydd wedi gwirfoddoli mewn chwaraeon o fewn y 12 mis diwethaf	% o'r boblogaeth sy'n cyfranogi mewn chwaraeon ar gyfartaledd o dair gwaith yr wythnos % y disgyblion sy'n cyrraedd o leiaf y lefel ddisgwyliedig (5) mewn addysg gorfforol yng Nghyfnod Allweddol 3																																								
Blaenoriaethau Urdd Gobaith Cymru	Chwaraeon Cymunedol Nifer o unigolion sy'n cymryd rhan yn y Rhaglen Gymunedol Genedlaethol  <table><caption>Nifer o unigolion sy'n cymryd rhan yn y Rhaglen Gymunedol Genedlaethol</caption><tr><th>Yrdd</th><th>Nifer o unigolion</th></tr><tr><td>2015-16</td><td>~70,000</td></tr><tr><td>2016-17</td><td>~85,000</td></tr><tr><td>2017-18</td><td>~100,000</td></tr><tr><td>2018-19</td><td>~105,000</td></tr></table> - Nifer yr unigolion a phobl ifanc sy'n cymryd rhan mewn sesiynau blasu gan gynnwys Gwersylloedd - Nifer yr unigolion sy'n mynychu clybiau yn wythnosol gan gynnwys 'chwarae i ddysgu' CA1 ac yn cyfranogi 1 a 3 gwaith yr wythnos - Nifer yr unigolion sy'n mynychu clybiau wythnosol, gan gynnwys aml sgiliau CA2 a 3 sy'n cyfranogiad 1 a 3 gwaith yr wythnos - Nifer cyffredinol o glybiau cymunedol newydd a sefydlwyd - Nifer yr unigolion sy'n mynychu gweithgareddau teuluol % o ferched sy'n cymryd rhan yn gymunedol	Yrdd	Nifer o unigolion	2015-16	~70,000	2016-17	~85,000	2017-18	~100,000	2018-19	~105,000	Hyfforddiant gweithlu a Gwirfoddolwyr Nifer o unigolion sy'n derbyn hyfforddiant Arweinwyr  <table><caption>Nifer o unigolion sy'n derbyn hyfforddiant Arweinwyr</caption><tr><th>Yrdd</th><th>Bl. Yr. 5-8</th><th>Bl. Yr. 9-11</th><th>Bl. Yr. 12 +</th></tr><tr><td>2015-16</td><td>~280</td><td>~450</td><td>~650</td></tr><tr><td>2016-17</td><td>~300</td><td>~480</td><td>~720</td></tr><tr><td>2017-18</td><td>~320</td><td>~500</td><td>~780</td></tr><tr><td>2018-19</td><td>~330</td><td>~500</td><td>~800</td></tr></table> - Nifer yr unigolion sy'n derbyn hyfforddiant - Dadansoddiad o'r ystod oedran 11-15, 16-20 a 21-25 - Nifer yr unigolion sy'n derbyn rhaglen o CPD, UK CC Lefel 1 a 2 % Cenedlaethol o unigolion sy'n gweithredu o fewn strwythur cymunedol yr Urdd % Cenedlaethol o ferched sy'n derbyn hyfforddiant	Yrdd	Bl. Yr. 5-8	Bl. Yr. 9-11	Bl. Yr. 12 +	2015-16	~280	~450	~650	2016-17	~300	~480	~720	2017-18	~320	~500	~780	2018-19	~330	~500	~800	Cystadlaethau a Digwyddiadau Nifer o unigolion sy'n cystadlu o fewn strwythur cystadlaethau'r Urdd  <table><caption>Nifer o unigolion sy'n cystadlu o fewn strwythur cystadlaethau'r Urdd</caption><tr><th>Yrdd</th><th>Nifer o unigolion</th></tr><tr><td>2015-16</td><td>~52,000</td></tr><tr><td>2016-17</td><td>~58,000</td></tr><tr><td>2017-18</td><td>~65,000</td></tr><tr><td>2018-19</td><td>~68,000</td></tr></table> % Cenedlaethol o unigolion sy'n cyfranogi yng nghystadlaethau rhanbarthol yr Urdd CA 2-5 - Nifer yr unigolion sy'n cystadlu yng nghystadlaethau Cenedlaethol yr Urdd CA 2-5	Yrdd	Nifer o unigolion	2015-16	~52,000	2016-17	~58,000	2017-18	~65,000	2018-19	~68,000
Yrdd	Nifer o unigolion																																										
2015-16	~70,000																																										
2016-17	~85,000																																										
2017-18	~100,000																																										
2018-19	~105,000																																										
Yrdd	Bl. Yr. 5-8	Bl. Yr. 9-11	Bl. Yr. 12 +																																								
2015-16	~280	~450	~650																																								
2016-17	~300	~480	~720																																								
2017-18	~320	~500	~780																																								
2018-19	~330	~500	~800																																								
Yrdd	Nifer o unigolion																																										
2015-16	~52,000																																										
2016-17	~58,000																																										
2017-18	~65,000																																										
2018-19	~68,000																																										

ADRAN YR EISTEDDFOD A'R CELFYDDYDAU

CEFNDIR

Nod Adran yr Eisteddfod a'r Celfyddydau yw hyrwyddo'r celfyddydau oddi fewn i wasanaethau Urdd Gobaith Cymru i'w aelodau a thrwy hynny gyfrannu at fywyd diwylliannol Cymru. Penllanw gwaith yr adran yw trefnu Eisteddfod Genedlaethol yr Urdd a gynhelir yn flynyddol. Mae saith aelod o staff llawn amser gan yr adran ac un aelod rhan amser.

Un o'r prif amcanion yw trefnu gŵyl sy'n llawn hwyl, ac sy'n ddigwyddiad cymdeithasol o bwys i bawb yng Nghymru. Anelir yng nghyfnod y cynllun i gynyddu'n sylweddol y nifer sy'n mynychu Eisteddfod yr Urdd. Yn ogystal, mae'r Eisteddfod yn gatalydd i gyflwyno'r celfyddydau i blant a phobl ifanc, ac yn feithrinfa gelfyddydol i ddatblygu talentau.

Trefnir 200 o Eisteddfodau Cylch ac Eisteddfodau Rhanbarth o dan oruchwyliaeth Adran Ieuenctid a Chymuned yn flynyddol. Mae'r cystadlaethau yn cynnig cyfle i blant a phobl ifanc ddatblygu ac arddangos eu doniau mewn meysydd amrywiol.

AMCANION

Gyda 45,000 o aelodau yn cystadlu yn yr Eisteddfodau cylch a sir, a 85,000 yn ymweld â'r maes, mae Eisteddfod yr Urdd yn ŵyl ddiwylliannol bwysig i blant a phobl ifanc. Byddwn yn datblygu Eisteddfod yr Urdd ymhellach drwy gydweithio gyda phartneriaid darlledu, masnachol a'n gwirfoddolwyr. Ein nod fydd sicrhau bod

- Cynnydd o 10% yn y rheiny sy'n cystadlu ar lefel cylch.
- Cynnydd o 1,000 yn y rheiny sy'n cystadlu yn yr Eisteddfod Genedlaethol.
- Datblygiad Ysgoloriaeth Urdd Gobaith Cymru Bryn Terfel yn parhau.
- Digon o gyllid yn cael ei ddenu i gynnal Theatr Ieuenctid Genedlaethol yr Urdd.

Mae hwn yn nod uchelgeisiol, ond teimlwn y dylai pob plentyn a pherson ifanc allu elwa ar y profiad o gymryd rhan yn ein Eisteddfod. Byddwn yn ystyried syniadau newydd am sut i gyflwyno cyd-destun bywiog a llawn hwyl i'r Gymraeg yn yr Eisteddfod, i blant, pobl ifanc a'u rhieni, beth bynnag fo'u cefndir ieithyddol. Rydym yn awyddus i ystyried sut allwn ni ddatblygu'r Eisteddfod fel gŵyl i bobl ifanc tuag at ddiwedd yr wythnos. Byddwn hefyd yn ystyried beth yw'r dull gorau o sicrhau cynialadwyedd yr ŵyl i'r dyfodol.

Ein bwriad drwy'r cyfan yw

- Datblygu hyder plant a phobl ifanc i berfformio yn gyhoeddus trwy gyfrwng y Gymraeg.
- Creu bwrlwm cymdeithasol cyn yr Eisteddfod mewn ardal benodol, a dod a chymuned at ei gilydd yn ystod yr Eisteddfod.

Canlyniad	Targed
Cynnal Eisteddfod Genedlaethol yn flynyddol a chynyddu'r nifer o gystadleuwyr.	15,000 o gystadleuwyr 200 o wirfoddolwyr i gynorthwyo gyda'r trefniadau
Datblygu Eisteddfod Genedlaethol Urdd Gobaith Cymru fel gŵyl ddiwylliannol lwyddiannus.	Sicrhau fod pawb yn mwynhau defnyddio'r Gymraeg, gan sicrhau trefniadau perthnasol, delweddau positif a blaengar ac atyniadau newydd. Cydwethio gyda chyllidwyr a noddwyr, a chynnal y berthynas gyda Chymdeithas Llywodraeth Leol Cymru. Cydwethio gyda Eisteddfod Genedlaethol Cymru
Sicrhau cyllid craidd digonol i gynnal Eisteddfod Genedlaethol yr Urdd, er mwyn sicrhau sail ariannol gref er mwyn gallu datblygu i'r dyfodol.	Llunio cynllun marchnata blynyddol ac arbrofi gyda chynlluniau newydd i ddenu pobl i'r maes. Denu teuluoedd i Eisteddfod Genedlaethol yr Urdd i gymryd rhan mewn Gweithgaredd Cymraeg fel teulu.

Datblygu Theatr Genedlaethol Urdd Gobaith Cymru, yn daleithiol a chenedlaethol, a sicrhau cyllid digonol i'w gynnal, gyda'r nod o sicrhau fod yr Urdd yn cynnig profiadau ymestynnol i berfformwyr ifanc. Sicrhau fod gwaddol cymunedol yn cael ei gynllunio fel rhan o ymweliad Eisteddfod i ardal. Gallai canlyniad hyn gynnwys sefydlu adrannau ac aelwydydd newydd, neu gynlluniau eraill. Datblygu'r profiadau celfyddydol ar faes yr Eisteddfod ac oddi arno, gan gynnwys dosbarthiadau meistr, gweithdai amrywiol a'r cyfle i brofi celfyddydau newydd.	Cydweithio ag 20 o stondinwyr i greu gweithgareddau penodol i ddenu teuluoedd a denu 500 teulu yn ychwanegol ar y Sadwrn olaf. Sicrhau bod 50 o bobl ifanc yn cael cyfleoedd i berfformio ac i dderbyn hyfforddiant o'r safon uchaf yn flynyddol. Sicrhau bod bwrlwm cymdeithasol trwy gyfwng y Gymraeg mewn ardal yn ystod y cyfnod cyn yr Eisteddfod. 100 y flwyddyn i elwa o'r profiadau celfyddydol ychwanegol yn yr Eisteddfod.
--	--

GWERSYLL LLANGRANNOG, GLAN-LLYN A CHAERDYDD

CEFNDIR

Mae gan yr Urdd dri phrif wersyll yn Llangrannog, Glan-llyn a Chaerdydd sydd ar agor gydol y flwyddyn. Gyda bron i 800 o gyrsiau yn cael eu cynnig a 40,000 yn aros yng ngwersylloedd yr Urdd yn flynyddol rydym yn llwyddo i gynnig cyfleoedd cymdeithasol, diwylliannol, awyr agored ac anturus heb eu hail.

Nod gwersylloedd yr Urdd yw creu canolfannau sy'n cynnig cyfleoedd i blant, ieuenctid ac oedolion breswyllo, addysgu a chymdeithasu mewn awyrgylch Cymraeg a Chymreig, diogel a chroesawgar.

Mae'r Urdd yn cynnig profiadau preswyl drwy ei wersylloedd antur awyr agored yn Llangrannog a Glan-llyn, a'i wersyll dinesig a chelfyddydol yng Nghanolfan Mileniwm Cymru. Mae gan yr Urdd ganolfan ym Mhentref Ifan hefyd sydd yn gallu lletya 18, ac mae'n adnodd sydd yn cael ei rheoli o Llangrannog, ar y cyd â phwyllgor lleol.

Mae'r rhan fwyaf yn dod i'r gwersylloedd dan ofal eu hysgolion, ac eraill yn dod o dan ofal staff yr Urdd. Mae'r gwersylloedd yn cyfrannu incwm at weithgaredd Urdd Gobaith Cymru. Ni dderbynnir unrhyw arian o ffynonellau cyhoeddus tuag at eu cynnal, ond gwneir ymdrechion i ddod o hyd i grantiau ar gyfer datblygiadau cyfalaf.

Byddwn yn defnyddio dulliau marchnata a dulliau eraill i sicrhau y bydd pob plentyn a pherson ifanc yng Nghymru yn cael y cyfle i fynychu Gwersyll yr Urdd Llangrannog, Gwersyll yr Urdd Glan-llyn a Gwersyll yr Urdd Caerdydd. Byddwn hefyd yn

- Parhau i gynnal Gwasanaeth Awyr Agored Glan-llyn fydd yn cyflwyno a darparu gweithgareddau yn y gymuned, a chynnig achrediadau perthnasol fel bod pob plentyn neu berson ifanc, beth bynnag yw eu cefndir, yn cael cyfle i gymryd rhan mewn gweithgaredd awyr agored.
- Datblygu Ardal y Llyn yng Nglan-llyn: er mwyn creu ardal hunangynhaliol a fyddai'n cynnwys storfa offer, ystafell ddosbarth, gweithdy a chaban sychu dillad. Mi fyddai modd wedyn cynnal cyrsiau hyfforddiant a gweithgareddau llyn yn annibynnol i weddill trefniant y gwersyll, gan gynyddu 'r niferoedd sy'n cael mynediad at ddŵr, ac yn cael hyfforddiant sy'n arwain at achrediad.

- Ehangu ein marchnadoedd drwy ddatblygu cyrsiau a phrofiadau newydd Cymraeg a Chymreig i bobl ifanc, er enghraifft cyrsiau haf a gwyliau.
 - Codi trosiant y gwerysilloedd o 9% er mwyn gallu parhau i ddatblygu'r adnoddau cyfalafol a'r gweithgareddau gan fuddsoddi £3m dros y ddegawd nesaf. Byddwn yn ceisio dod o hyd i gyllid allanol i'n cynorthwyo, a byddwn yn datblygu fel bo'r cyfle yn codi. Y blaenoriaethau o ran buddsoddiad cyfalaf fydd
 - Uwchraddio adnoddau yng Ngwersyll Glan-Ilyn, gan gynnwys
 - Ail ddatblygu Glan-Ilyn Isa fel llety i weithio ochr yn ochr â Glan-Ilyn.
 - Uwchraddio Pwll Nofio Glan-Ilyn.
 - Datblygu adnoddau a chyfleusterau 'Ardal y Llyn'.
 - Uwchraddio adnoddau Neuadd Chwaraeon Glan-Ilyn.
 - .
 - Uwchraddio adnoddau yng Ngwersyll Llangrannog - uwchraddio cyfleusterau
- Neuadd/Cegin/Caban Fwyta
 Datblygu Swyddfeydd
 Pwll Nofio
 Ynni adnewyddol
 Datblygu Gweithgareddau newydd

LLANGRANNOG

Bu dros 20861 o bobl yn aros yn Llangrannog yn 2015/16. Ceir hefyd defnydd cymunedol o weithgareddau'r Gwersyll. Mae gan y Gwersyll 535 o welyau (cynnwys gwelyau arweinyddion cwrs). Cyflogir 60 yn llawn amser a 40 yn rhan amser.

GLAN-LLYN

Mynychodd 12,000 o bobl y gwersyll yn ystod 2013/14. Mae 250 o wlaŵ yno a chyflogir 27 o staff yn llawn amser a 32 yn rhan amser.

CAERDYDD

Cyflogir 6 aelod o staff llawn amser yn y gwersyll, a 9 yn achlysurol. Bydd ymwelwyr a'r gwersyll yn ymweld ag amrywiol atyniadau allanol, gan gynnwys y Senedd, Amgueddfeydd Cenedlaethol, Stadiwm y Mileniwm ac yn mynychu gweithdai. Mae 153 o welyau yno. Yn 2013/14 daeth 11,000 o ymwelwyr i aros yn y Gwersyll. Darperir gweithgareddau cymunedol a gwyliau yn ogystal.

AMCANION

- Rhoi profiad o fod mewn awyrgylch Cymraeg a Chymreig i blant a phobl ifanc.
- Datblygu plant a phobl ifanc drwy roi'r profiad o fod yn annibynnol oddi cartref.
- Ehangu gorwelion plant a phobl ifanc trwy gynnig gweithgareddau y tu allan i'w profiad arferol, gan gynnwys profiadau dinesig a rhoi'r cyfle i brofi merlota, sgïo, hwylio, canw,^io, rafftio dŵr gwyn, cerdded afonydd, nofio, gyrru beiciau modur a mwy.

Parhau i fesur effaith ymweliad â'r gwersyll ar yr agwedd at y Gymraeg, ac at ddefnydd o'r Gymraeg. Parhau i fesur ymateb gan gwsmeriaid i'r ddarpariaeth sy'n cael ei gynnig. Sicrhau bod pawb yn cael yr un cyfle i fwynhau cyfleusterau'r gwersyll, beth bynnag fo'u cefndir. Sicrhau bod unrhyw ddatblygiadau yn cydymffurfio â deddfau perthnasol.	Uwchraddio adnoddau yng Ngwersyll Llangrannog - • Neuadd/Cegin/Caban Fwyta • Datblygu Swyddfeydd • Pwll Nofio • Ynni adnewyddol • Datblygu Gweithgaredd Parhau i gynnal safon uchel y ddarpariaeth yng Ngwersyll Caerdydd. Glan-llyn, Llangrannog a Chaerdydd: Anelu i gael adborth o 80% yn ymateb yn gadarnhaol. Sicrhau fod 80% yn hapus â'r profiadau a gânt yn y gwersyll (sgôr 4-6 ar y ffurflenni arfarnu). Rhoi ystyriaeth i hyn wrth gynllunio unrhyw weithgaredd.
---	--

ADRAN GYFATHREBU & DATBLYGU

CEFNDIR

Mae'r adran yn ymwneud â gwaith marchnata a chysylltiadau cyhoeddus y mudiad yn ogystal a'r system ymaelodi, y wefan, cylchgronau'r Urdd, hyrwyddo'r Eisteddfod a'r Gwersylloedd a darparu gwybodaeth i aelodau drwy amrywiol ddulliau. Yn ogystal, mae'r adran yn cefnogi ar gynlluniau codi arian a nawdd y mudiad. Mae 5 yn gweithio yn llawn amser yn yr adran a 1 yn rhan amser.

Cyhoeddir cylchgronau atyniadol i ddysgwyr y Gymraeg sef **Bore da** (7-11 oed) a **iaw!** (11+ oed) a chylchgrawn i Gymry Cymraeg sef **Cip** (7-11 oed), sydd yn annog darllen ac ysgrifennu yn Gymraeg. Cyhoeddir deg rhifyn y flwyddyn o'r cylchgronau, a gall plant a phobl ifanc eu harchebu yn uniongyrchol neu drwy eu hysgolion. Mae gwerthiant misol o 9351 gan y cylchgronau.

Mae dulliau cyfathrebu yn newid a datblygu yn gyflym, gyda phlant a phobl ifanc yn arwain y ffordd. Er mwyn bod yn flaengar yn y maes byddwn yn:

- Ceisio denu buddsoddiad i ddatblygu dulliau technolegol o gyfathrebu gyda'n haelodau, gan gynnwys cadw ein gwefan yn gyfredol.
- Sicrhau bod ein apiau yn cael eu diweddarau yn gyson.
- Cynyddu cylchrediad ein cylchgronau i Gymry Cymraeg a dysgwyr a sicrhau eu bod yn parhau yn ddeniadol i blant a phobl ifanc.
- Gweithio gydag ysgolion a rhieni i sicrhau bod pobl yn sylweddoli pwysigrwydd sicrhau bod yr iaith Gymraeg yn dod yn iaith fyw y tu allan i furiau'r ysgol.
- Gweithio ar gynlluniau i sicrhau bod gan y Gymraeg ddelwedd fodern a llwyddiannus gan ddefnyddio'r dulliau cyfathrebu diweddaraf ac annog y defnydd o dechnoleg ymhlith pobl ifanc, gan gynnwys datblygu ein gwefan.
- Datblygu dulliau i gyfathrebu'n effeithiol gyda rieni.

AMCANION

- Gwella delwedd y Gymraeg a chynyddu defnydd plant a phobl ifanc o ddulliau cyfathrebu trwy gyfrwng y Gymraeg
- Codi ymwybyddiaeth o'r Urdd a'i weithgareddau ymysg y cyhoedd yng Nghymru yn gyffredinol, a gwneud yr Urdd yn ddewis amlwg i blant a phobl ifanc.

Canlyniad	Targed
Sicrhau bod digon yn cymryd rhan yng ngweithgareddau'r Urdd. Drwy ddulliau amrywiol, rhoi cefnogaeth i adrannau eraill sicrhau fod aelodaeth yr Urdd yn cael ei gynnal. Codi proffil yr Urdd a'i weithgareddau yn y wasg a'r cyfryngau. Cynnal gwefan yr Urdd fel gwefan ddeniadol, ddynamig, sy'n cael defnydd helaeth gan ein haelodau a'n harweinyddion. Denu mwy o blant a phobl ifanc i brynu a darllen y cylchgronau. Ymateb i newidiadau mewn technoleg a sicrhau bod yr Urdd yn defnyddio'r dulliau diweddaraf, gan gynnwys datblygu safleoedd gwe pwrpasol i ffonau symudol ac apiau. Sicrhau bod lefel incwm nawdd masnachol ac incwm ymddiriedolaethau yn caniatáu i'r Urdd gynnal ei holl weithgareddau. Paratoi cynlluniau marchnata ar gyfer adrannau gwahanol ac ar gyfer yr Urdd yn ganolog	Gweithredu cynllun hyrwyddo blynyddol, a'i gydlynw ar draws holl adrannau'r Urdd. Cynhyrchu deunyddiau hyrwyddo, a chynlluniau addas i hyrwyddo aelodaeth. Sicrhau fod proffil uchel gan yr Urdd drwy'r flwyddyn gan rhyddhau datganiadau ac ymgyrchoedd hyrwyddo pwrpasol. Sicrhau datblygu delwedd a pwrpas y wefan gan gynyddu 10% yn flynyddol o ymweliadau'r flwyddyn. Cynyddu gwerthiant y cylchgronau i 10,000 erbyn diwedd cyfnod y cynllun. Denu aelodau'r Urdd i gyfathrebu yn y dulliau diweddaraf drwy gyfrwng y Gymraeg. Gweithredu cynllun codi arian blynyddol, a'i gydlynw ar draws holl adrannau'r Urdd. Gweithredu'r cynlluniau o fewn cyllideb gan osod targedau ac amcanion addas.

ADRAN GWASANAETHAU CENEDLAETHOL

CEFNDIR

Yr Adran Gwasanaethau Cenedlaethol sy'n rhoi cefnogaeth weithredol i'r holl adrannau eraill. Cwmpasir y canlynol gan yr adran: swyddfa'r Prif Weithredwr, rheolaeth ariannol a phersonél, hyfforddiant, cefnogaeth technoleg gwybodaeth, cynnal gwefan yr Urdd, cyfathrebu a dosbarthu gwybodaeth, gweinyddu canghennau ac aelodaeth.

Mae 12 yn gweithio i'r Adran Gwasanaethau Cenedlaethol yn llawn amser, a 2 yn rhan amser, a hynny ar draws nifer o swyddfeydd. Mae'r adran yn gyfrifol am sicrhau rheolaeth effeithiol a chywir o adnoddau Urdd Gobaith Cymru.

AMCANION

Sicrhau bod gan Urdd Gobaith Cymru yr adnoddau a'r strwythurau cywir i sicrhau bod y mudiad yn gweithredu'n effeithiol i'r tymor hir.

Sicrhau bod Urdd Gobaith Cymru yn chwarae rhan amlwg o fewn y cyd-destun polisi yng Nghymru.


CANLYNIAD	TARGED
Cynnal gweithdrefnau rheoli'r mudiad a sicrhau rheolaeth lywodraethol gywir o ran yr elusen.	Sicrhau fod cyfarfodydd o wirfoddolwyr yr Urdd yn digwydd yn rheolaidd yn unol â'r rheolau sefydlog.
Sicrhau bod yr adnoddau, ariannol a dynol gan yr Adrannau i wireddu amcanion y Cynllun Corfforaethol	Cynyddu incwm o ffynonellau allanol gan gynnwys grantiau, nawdd masnachol ac ymddiriedolwyr.
Datblygu'r berthynas gyda chyllidwyr a sicrhau fod yr Urdd yn flaenllaw wrth gyfrannu at ddatblygiadau polisi yng Nghymru. Sicrhau adnoddau digonol i'r Urdd.	Paratoi adroddiadau cynhwysfawr yn brydlon.

Sicrhau fod gweithdrefnau ariannol Urdd Gobaith Cymru yn gweithredu'n effeithiol a bod adroddiadau yn cydymffurfio gyda rheolau cyfrifyddol cyfredol. Sicrhau fod gweithdrefnau cyflogaeth a phersonél Urdd Gobaith Cymru yn effeithiol. Sicrhau fod yr holl weithgareddau a gynigir gan yr Urdd yn rhai diogel. Sicrhau fod gweithdrefnau iechyd a diogelwch, diogelu plant ac asesu risg, yn cael eu gweithredu. Sicrhau gofalaeth o eiddo a buddsoddiadau'r Urdd. Datblygu polisi cynnal a chadw/ arian wrth gefn. Sicrhau fod adnoddau, swyddfeydd a systemau technoleg gwybodaeth a chyfathrebu priodol gan staff. Sicrhau fod holl waith yr Urdd yn cyrraedd safon briodol. Hyfforddiant Sicrhau fod staff yn derbyn hyfforddiant priodol i'w swyddi, a datblygu hyfforddiant addas i wirfoddolwyr. Datblygu hyfforddiant i staff a gwirfoddolwyr ar gyflwyno iaith a newid iaith gweithgaredd, a defnyddio cywair iaith addas.	Paratoi amcangyfrifon a chyfrifon mewnol misol. Cyflwyno cyfrifon wedi eu harchwilio yn flynyddol. Dilyn arfer da canllawniau Comisiwn Elusennau. Mabwysiadau newidiadau statudol. Sicrhau bod penodiadau, gwerthuso, hyfforddiant a datblygu staff yn dilyn amserlen benodol. Sicrhau fod 100% o staff mewn swyddi perthnasol wedi eu gwirio trwy drefn ISA a bod rhaglen ar gyfer gwirio gwirfoddolwyr yn ei le. Adolygu asesiadau risg yn flynyddol. Defnyddio arbenigedd allanol pan fo'n briodol, ar gyfer blaengynllunio. Gweithredu unrhyw bolisi sy'n cael ei gymeradwyo gan Fwrdd Busnes yr Urdd. Parhau i ddatblygu'n cyfleusterau Technoleg Gwybodaeth, cyn belled â bod cyllid yn caniatáu. Anogir staff i ddilyn a chwblhau cymwysterau ac achrediaidau cydnabyddedig, boed ym maes Awyr Agored, Chwaraeon, Rheolaeth a Gwaith Ieuenctid. Sefydlu rhaglen Cyflwyniad i waith Ieuenctid i wirfoddolwyr a'i annog, os yn briodol, i gamu ymlaen at gymwysterau cydnabyddedig
--	--


URDD GOBAITH CYMRU**CYNLLUN CORFFORAETHOL 2016 - 2019****RHAGOLWG INCWM A CHOSTAU**

	2016/17	2017/18	2018/19
INCWM			
Llangrannog	2,808,000	2,948,000	3,066,000
Glanllyn	1,537,000	1,598,000	1,662,000
Caerdydd	897,000	933,000	970,000
Eisteddfod	2,152,000	2,173,000	2,195,000
Gwerthiant	89,000	90,000	90,000
Aelodaeth	360,000	368,000	375,000
Cymynrhoddion/Buddsoddiadau	66,000	66,000	66,000
Grantiau	1,498,000	1,498,000	1,498,000
Prosiectau	345,000	352,000	359,000
Arall	312,000	315,000	318,000
CYFANSWM	10,062,000	10,339,000	10,598,000



COSTAU			
Cyfanswm Cyflogau	4,439,000	4,572,000	4,709,000
Llangrannog	918,000	964,000	1,012,000
Glanllyn	550,000	577,000	606,000
Caerdydd	474,000	498,000	523,000
Eisteddfod	1,808,000	1,826,000	1,844,000
Costau Cynnal	468,000	471,000	471,000
Datblygu Gweithgaredd	832,000	857,000	857,000
Yswiriant/Arall	200,000	201,000	202,000
Swyddfeydd	73,000	73,000	73,000
Datblygu Adnoddau/Prosiectau Cyfalaf	300,000	300,000	300,000
CYFANSWM	10,062,000	10,339,000	10,597,000



Cryfderau	Gwendidau
Gweithgareddau Cymraeg diogel o safon Llais i blant a phobl ifanc o fewn y mudiad Staff a gwirfoddolwyr ymroddgar Traddodiad hir, ond parodrwydd i addasu yn ôl gofynion plant a phobl ifanc Brand cryf mae pobl yn uniaethu ag ef	Dim system data sy'n cyrraedd pob aelod/rhiant yn electronig Dim modd cynnig yr un ddarpariaeth ar draws Cymru Aelodaeth yn gostwng ar ôl 11+ Angen buddsoddi'n gyfalafol yn ein gwersylloedd
Cyfleoedd	Bygythiadau
Cyfle i bontio o'r cynradd i'r uwchradd Bylchau mewn darpariaeth dan 8 a dros 16 Galw am fwy o weithgareddau chwaraeon / ieuenctid / celfyddydol Datblygu cyrsiau preswyl ymhellach Datblygu system data gyda chyswllt cryfach i aelodau a rhieni	Toriadau Ariannol gan gyllidwyr Gallu rhieni i gyfrannu'n ariannol at weithgareddau Demograffeg y Gymraeg a phresenoldeb diwylliant arall cyfagos Ailstrwythuro trefniadau addysg Argaeledd gwirfoddolwyr



Prif Weithredwr



Ymddiriedolwyr

